

Eivind Myrtveit  
Sætrevegen 59  
5936 MANGER

Referanser:  
Dykkar:  
Vår: 23/4718 - 23/63709

Saksbehandlar:  
Lene Helgesen  
lene.helgesen@alver.kommune.no

Dato:  
21.08.2023

## Løyve til oppføring av garasje - gbnr 438/44 Helland

**Administrativt vedtak:** **Saknr: 841/23**  
**Tiltakshavar:** Eivind Myrtveit  
**Ansvarleg søker:**  
**Søknadstype:** Søknad om løyve til tiltak med ansvarsrett.

### VEDTAK

Det vert gjeve dispensasjon frå arealføremål LNF i kommuneplan for Radøy, for oppføring av garasje. Vedtaket et heimla i plan- og bygningslova § 19-2.

**Med heimel i plan- og bygningslova § 20-1, jf. pbl § 20-3 og § 20-4 vert det gjeve løyve til terrengeinngrep og oppføring av garasje på eigedom gbnr 438/44. Løyvet vert gjeve på følgjande vilkår:**

1. Garasje skal plasserast som vist i situasjonsplan datert 10.04.2023 med heimel i pbl. § 29-4, jf. SAK § 6-3.
2. Tiltaket skal ikkje plasserast nærmare nabogrensa enn 1,5 meter, i tråd med nabosamtykke. Det gjeld både terrengeinngrep og bygningsmassar.
3. Toleransegrense for plassering av tiltak vert sett til +/- 20 cm i vertikalplanet og +/- 50 cm i horizontalplanet. Vi gjer merksam på at toleranse ikkje har noko med avrundings- og kommareglar å gjere, slik at høgde- og plasseringsreglar gjeve i lov eller plan, er å forstå som absolutte grenser.

**Vedtaket er heimla i plan- og bygningslova § 20-1, jf. pbl § 20-3.**

## **SAKSUTGREIING**

### **Tiltak**

Saka gjeld søknad om oppføring av garasje med bruksareal (BRA) opplyst til å vere ca. 65,63 m<sup>2</sup>. Utnyttingsgrad er opplyst til 13,06 % BYA.

Søknaden omfattar grunn- og terrengarbeid. Andre tiltak som kan vere vist på innsendte teikningar er ikkje omfatta av dette vedtaket.

Saka omfattar søknad om dispensasjon frå arealføremål LNF.

Det vert elles vist til søknad motteken 11.06.2023 og supplert 11.07.2023 og 16.08.2023

### **Sakshandsamingsfrist**

Søknaden var ikkje komplett då han var motteken. Følgjande dokumentasjon vart etterspurtt ved brev av 29.06.2022 og e-post 16.08.2023:

29.06.2023:

**1. Avstand til vatn- og avlaupsleidningar manglar.**

Du må føre på avstanden frå det nye tiltaket til vatn- og avlaupsleidningar

**2. Teikningane er mangelfulle.**

Det skal gå fram av teikningane korleis terrenget forandrast. Det må sendast inn teikningar som viser koter og terrenget før og etter tiltaket. Snittteikningar med referansar må visa kvar dei ulike snitta på teikningane som fyljer søknaden refererer seg til. Snittreferanse må påførast dei nye terengprofilane og markerast med for eksempel «snitt A-A» eller liknande.

Fasadeteikningar må og påførast terenglinjer, som synar korleis garasjen vil sjå ut i terrenget der den skal plasserast. Her må det påførast nye og eksisterande terenglinjer.

E-post 16.08.2023:

Basert på omfanget av terrengrøpet vurderer administrasjonen at grunnarbeidet/sprengning vil ikkje komme inn under unntaket i pbl. § 20-4 a) mindre tiltak på bebygd eigedom. Denne delen av tiltaket vil derfor være eit tiltak etter pbl. §20-1 jf. 20-3, og krev då ansvarleg søker.

Du kan søkja om å utføra tiltaket som sjølvbyggar om ønskeleg, eg legg ved søknadsskjema for det i e-post.

Dokumentasjon vart motteken ved brev frå ansvarleg søker 11.07.2023, og 16.08.2023. Sakshandsamingsfristen er forlenga med den tida det har teke å supplere søknaden. Fristen er 08.11.2023.

### **Planstatus**

Eigedomen ligg i uregulert område innanfor det som i kommuneplanen sin arealdel er definert som LNF.

Tillat grad av utnytting etter gjeldande plan er 25% BYA og maks 400kvm % BRA.

## **Dispensasjon**

Tiltaket krev dispensasjon frå arealføremål LNF.

Det er søkt dispensasjon med slik grunngjeving:

### **Begrunnelse**

1. Området er regulert til LNF-SBE i kommunens arealplan.

Dette arealet er ikkje nytta til beite eller slåttemark, og har ikkje blitt nytta til desse føremåla nokon gang. Det er kupert og lite utnyttbart areal knapt eigna til plen.

Då dette er eit lite og avgrensa område som ikkje har blitt nytta til noko, og garasjen vil koma tett inn mot skjeringa etter sprenging, vil ikkje dette medføra store endringar eller ha negativ innverknad i landskapet.

Eg har ingen plass å setja inn bilane, motorsykkelen, og hagereiskap, så dette står ute i vær og vind og forfell.

2. Eg har veldig begrensa bodplass i huset, derfor treng eg boden i bakkant i bygget og loftet (under 1,9m høgde), til sportsutsyr, hagemøblar og anna.

Så sjølvé garasjen vert 48,19m<sup>2</sup>, dette må den vera for å få plass til 2 bilar, motorsykkel og hagereiskap.

3. Eg må senka terrenget for å få plass til garasjen. Øvste punkt er ca. 3,5m høgare enn planlagt planert terregn.

Dette er einaste aktuelle plassen å ha garasjen, då tomta er veldig kupert og rart utforma ellers.

## **Uttale frå anna styresmakt**

Saka er sendt til Alver kommune (Landbruk), Statsforvaltaren i vestland og Vestland fylkeskommune for uttale. Ingen av disse har gjett uttale i saka.

## **Nabovarsel**

Tiltaket er nabovarsla.

Det ligg ikkje føre merknader frå nabo.

## **Plassering**

Plassering av tiltaket er vist i situasjonsplan datert 10.04.2023.

På situasjonsplanen er minste avstand til nabogrense vist til å vere 2,5 meter. Eigar av gnr. 4631-438 bnr. 44 har i dokument datert 01.06.2023 samtykka til at tiltaket kan plasserast 1,5 meter frå nabogrensa.

## **Vatn og avløp (VA)**

Tiltaket medføre ingen endring i vassforsyning og avlaup.

## **Tilkomst, avkørsle og parkering**

Tiltaket medføre ingen endring i avkørsle og parkering.

## **Terrenghandsaming**

Situasjonsplanen viser parkering/garasje. Teikningar/snitt viser eksisterande og nytt terreng, og plassering i høve terreng.

## **Visuelle kvalitetar**

Tiltaket skal prosjekterast og utførast slik at det etter kommunen sitt skjønn har gode visuelle kvalitetar både i seg sjølv, og i høve til tiltaket sin funksjon, bygde og naturlege omgjevnader og plassering.

### **Flaum, skred og andre natur- og miljøtilhøve**

Ansvarleg søker har erklært at tiltaket ikkje skal plasserast i eit område der det er fare for flaum, skred eller andre natur- og miljøtilhøve som krev særskilte undersøkingar eller tiltak. Kommunen legg denne vurderinga til grunn for vedtaket.

### **Tekniske krav til byggverk**

Tiltaket skal prosjekterast og førast opp i samsvar med byggeteknisk forskrift (TEK).

## **VURDERING**

Garasje er opplyst å være under 70 kvm. og vurderast som et mindre tiltak etter pbl. § 20-4 a). Dette er et mindre tiltak på bebygd eigedom som krev søknad, men som kan byggast av tiltakshavar jf. pbl. §20-4 og SAK § 3-1 (b).

Grunnarbeidet som skal utførast før garasjen kan oppførast er opplyst å innebera sprengingsarbeid kor differansen mellom eksisterande og nytt terreng er over 3 meter, og kjem da ikkje inn under unntaket pbl. § 20-4 a) mindre tiltak på bebygd eigedom. Denne delen av tiltaket vil være eit tiltak etter pbl. § 20-1 jf § 20-3 og krev då ansvarleg søker. Tiltakshavar har søkt som sjølvbyggar etter SAK 10 § 6-8 jf. pbl. § 23-8(2). Tiltakshavar opplyser å ha nødvendig kompetanse på bakgrunn av eigen og medhjelpars utdanning og/eller praksis. Ut i frå tiltakets art og omfang vurderer administrasjonen at tiltakshavar kan godkjennast som ansvarleg for heile tiltaket.

### **Dispensasjon**

Det er to vilkår som må vere oppfylt for at kommunen skal kunne gje dispensasjon. For det første må dei omsyna som ligg bak føresegna det vert dispensert frå ikkje verte vesentleg sett tilside. For det andre må fordelane ved å gje dispensasjon vere klart større enn ulempene, etter ei samla vurdering.

I tillegg kan ikkje kommunen gi dispensasjon dersom omsyna bak lovas formålsregel eller nasjonale eller regionale interesser blir vesentleg tilsidesett.

Ved dispensasjon frå planar skal det leggjast særleg vekt på nasjonale og regionale rammer, og det bør ikkje gjevast dispensasjon frå planar når ei direkte råka statleg eller regional styresmakt har gjeve negativ uttale til søknaden.

I denne saka gjeld tiltaket etablering av garasje på allereie etablert bustadeigedom uregulert område som i kommuneplan for Radøy er avsett til arealføremål LNF. Tiltaket krev dispensasjon frå arealføremål LNF.

Omsynet bak LNF-føremålet er å verna om samfunnsinteressene knytt til landbruk, natur og friluftsliv og unngå uheldig omdisponering og fragmentering av landbruksområde og anna grønstruktur

Omsynssonene for landbruk representerer dei mest verdifulle landbruksareala i kommunen både med omsyn til dyrka mark og kulturlandskap. Landbruket skal ha eit særskilt vern innanfor sona, og skal takast omsyn til ved planlegging, behandling av søknadar og gjennomføring av tiltak innanfor områda. I denne saka er eigendommen ikkje i bruk som landbruksareal, og kan ikkje nyttast til slike føremål, det er derfor administrasjonen sin vurdering at tiltaket ikkje vil tilsidesette dei omsyna som arealføremål LNF er meint å ivareta.

Kommunen kan ikkje sjå at omsynet bak arealføremål LNF blir satt vesentleg til side i denne saka.

#### Vurdering av fordelar og ulemper

I vurderinga av fordelar og ulemper har kommunen særleg lagt vekt på at eigendommen er bebygd med bustad og at arealet derfor ikkje vil kunne nyttast til landbruksføremål. Administrasjonen har og vurdert at det er fordelaktig å leggja til rette for å oppgradera eksisterande eigedommar til moderne standard, framfør å oppretta nye.

Av ulemper må det merkast at det totalt sett er uheldig med nedbygging/fortetting av landbruksareal, men at det omsynet ikkje får vesentleg vekt i denne saka.

Etter ei samla og konkret vurdering finn kommunen at vilkåra for å gje dispensasjon frå arealføremål er oppfylt er oppfylt.

#### **Plassering av tiltaket**

Tiltaket vert godkjent plassert slik det går fram av søknaden.

#### **Visuelle kvalitetar**

Tiltaket har etter kommunen sitt skjønn gode visuelle kvalitetar, både i seg sjølv og i høve til si funksjon, og dei bygde og naturlege omgjevnader og plassering.

#### **Tiltaksklasse**

Kommunen legg sokjar si vurdering av tiltaksklasse til grunn.

#### **Vurdering etter naturmangfaldslova**

Kommunen har mellom anna sjekka det aktuelle arealet i [www.naturbase.no](http://www.naturbase.no) og [www.artsdatabanken.no](http://www.artsdatabanken.no) og nytta rettleiing frå Statsforvaltaren. Kommunen kan ikkje sjå at tiltaket vil kome i konflikt med naturmangfaldslova.

### **GENERELL INFORMASJON**

#### **Regelverk**

- Tiltak etter plan- og bygningslova § 20-1 er søknadspliktig etter § 20-2.

- Krav om ansvarleg føretak er gitt i plan- og bygningslova § 20-3.
- Søknad om dispensasjon vert handsama etter plan- og bygningslova § 19-1.
- Kommunen sine fristar for handsaming av søknad etter pbl følgjer av pbl § 21-7.
- Nabo og gjenbuarar skal ha varsel om tiltak i samsvar med plan- og bygningslova § 21-3.
- Krav om tilgang til vatn og avlaup finn du i plan- og bygningslova §§ 27-1 og 27-2.
- Krav til tilkomst til offentleg veg finn du i plan- og bygningslova § 27-4.
- Tiltak etter pbl skal utformast i samsvar med pbl §§ 29-2, jf. 29-1.
- Kommunen skal godkjenne plassering av tiltaket, jf. pbl § 29-4.
- Tiltak etter pbl skal oppførast i samsvar med byggteknisk forskrift (TEK), jf. pbl § 29-5, med mindre det er gitt fritak etter søknad, med grunnlag i pbl § 31-2.
- Tiltaket krev avfallsplan etter TEK § 9-6.
- Tiltaket krev skildring av miljøsanering etter TEK § 9-7.
- Kommunen kan gi dispensasjon viss vilkåra i pbl § 19-2 andre ledd er oppfylt, men bør ikkje gi dispensasjon viss ei direkte råka statleg eller regional styresmakt har gjeve negativ uttale til søknaden.
- Det kan setjast vilkår for ein dispensasjon, jf. pbl § 19-2 andre ledd, jf. Ot.prp. nr. 56 (1984-85) s 102.
- Kommunen skal ikkje ta stilling til privatrettslege tilhøve ved handsaming av byggesøknaden, jf. pbl § 21-6.
- Ved handsaming av søknaden skal kommunen vurdere søknaden opp mot prinsippa i §§ 8 – 12 i naturmangfaldslova.

### **Mynde**

Saka er handsama og avgjort administrativt i medhald av delegert mynde, jf. kommunelova § 5-3, 3. ledd og gjeldande delegeringsreglement.

### **Klage**

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klagt på i vedtaket, og kva endringar ein ønsker. Klagen skal grunngjenvært.

Føretak som har fått avslag på søknad om ansvarsrett har særskilt rett til å klage over dette vedtaket.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

### **Ansvar**

Tiltakshavar er ansvarleg for at byggverket vert oppført i tråd med føresegner gjeve i eller i medhald av plan- og bygningslova, jf. pbl. § 23-1, 2. ledd. Om søknaden er i strid med offentlege føresegner gjeld føresegnene før løyvet. Vedtak etter plan- og bygningslova inneber ikkje avgjerd i privatrettslege tilhøve, jf. pbl. § 21-6.

Kopi av dette vedtaket, samt andre saksdokument, skal alltid vere tilgjengeleg på byggeplassen.

### **Bortfall av løyve**

Om byggearbeidet ikkje er sett i gang innan 3 år etter at dette løyvet er gitt, eller vert innstilt i lengre tid enn 2 år, fell løyvet bort, jf. pbl. § 21-9. Dette gjeld også dispensasjonsløyvet.

### **Avfall**

Alt avfall som tiltaket fører med seg skal leverast til mottak godkjent av forureiningsstyresmakta.

### **Ferdigstilling**

Tiltaket skal avsluttast med ferdigattest, jf. pbl. § 21-10 og SAK § 8-1. Ingen delar av byggverket må takast i bruk før ferdigattest eller mellombels bruksløyve ligg føre.

**Ved all vidare kontakt i denne saka, referer til saknr.: 23/4718**

Med vennleg helsing  
Alver kommune

Lene Helgesen  
Rådgjevar

Are Frøysland Grande  
Avdelingsleiar

Dette dokumentet er elektronisk godkjent og har difor ingen signatur.

### **Vedlegg:**

Søknad om ansvarsrett som sjølvbyggar  
Etterspurd tilleggsdokumentasjon - gbnr 438/44 Helland  
F2 med terrengrøflar  
F3 med terrengrøflar  
F4 med terrengrøflar  
Snitt A-A F1 med terrengrøflar  
Snitt A-A F3 med terrengrøflar  
F1 med terrengrøflar  
Garasje revB - situasjonskart  
Sprenging - kart  
Bilde F1  
Bilde F2  
Bilde F3  
Bilde F4  
Oversikt mot F4-F1  
Oversikt mot F1  
Tilleggsdokumentasjon

**Vedlegg:**

Samtykke til plassering  
Situasjonskart  
Situasjonsplan Garasje  
Situasjonsplan Sprenging  
Tegning Nytt Snitt A-A  
Tegning Ny Fasade  
Tegning Ny Fasade  
Tegning Ny Fasade  
Tegning Ny Fasade  
Tegning Ny Plan 1. etasje  
Tegning Ny Plan 2. etasje

**Mottakarar:**

Eivind Myrtveit

Sætrevegen 59 5936

MANGER